

BE.269. MARDALAN AU SAONARI (G=1)

=====

B.E. 269. MARDALAN AU SAONARI

1. Mardalan au saonari Tu hasonangan i
Jumonok ganup ari Lam jumpang tingki i
Sian na dao huida Hatiuronna i
Sai sonang do nasida Naung tolhas ro disi

2. Godang do halilian Di tongan dalam i
Hatop do au mardalan Tu hasonangan i
Godang do hasusaan Na humaliang au
Hubolus parmaraan Marningot Jesus au.

3. Didadang lasni ari Ditinggang udan au
Jotjot huhabiari Na mgnggopgopi au
Matangku sai manatap Tu sitioponki
Adian do husangkap Rade di surgo i.

4. Las situtu rohangku Nang lantap alongki
Sai Jesus do donganku Ai i haposanki
Ibana na manogu Arian borngin pe
Pos situtu rohangku Sai sahat au muse.

5. Hugolom di rohangku Hau pinarsilang i
Laos i do haposanku Parsigantunganki
Ai nunga saut ditobus Tuhanku tondingki
Ibana do patulus Pasahat langkangki.

6. Pos situtu rohangku Manulus dalam i
Tung suda pe bohalhu Sai sahat au tusi
Tung loja ganup ari Di pardagangan on
Alai satongkin nari Sai sonang au tongtong